



Мэбета вадава" ила' панан' етри' мэква"!

НЯРЪЯНА

НЭРМ



№ 12 (5234)
2025 по'
март иры'
22 яля

СУББОТА

ГАЗЕТА 1931 ПО'
АПРЕЛЬ ИРЫ' ЮКАД ВАТА
ХАСАВАЮДИМДЕЙ
ЯЛЯХАД НУДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидяңг. М. Яр' гадтавы

Пэ" тер" төр"
я"авлыць

4

Илма" мэйры



Сидяңг.: Окрутна" пресс-служба" няд ханавы"



Ты" саполана иры' юкад вата хасава юдимдей яляхана округна" нэвахана мэна ервава" яна" серо" нямна лаханась. Хусувэй по' Ямал' терха", депутатха" по' ямбан' минревы", сертавы" манзаида вадецеты. Теда' нод" пудана" похо"на яханана" нямгэ" нямдиза", тамна нэво нямдиде таслам-би мал' тидпой" няна" хэты-дась.

Вадамда пиванда нерцю" ма"нисяв, хэвы похона яна" тер" ёльце варемдо' мэць манзараць. Нэрм' яхана илени сямянхат мэбета, нерняри' нэда ненэцяңэ вадэ"ядась. Инда ядэрабцовна Ямал' тер" нобнзер" нэбто', нидо' нядабатто' я"мана

нэбгэдо', тасла ниня пиртадо' яңгуда. Россияна" ерв' табекко яханана" нэдавам' нани' хэтадась.

Ма"нисяв, нобкана нэрка ява" мэбеламбива", нерня' пэрңава". Округханана" мале сян илаң-



гана тарана серм' нюртейңэ тасламбасеты". Тикы" тид" минрена" серода Дмитрий Артюхов похо" мээвна ня"амбида. Илесь мяд", сехэры", ненэция лекарабтамбава, тосакабтёда" нямгэхэт лэтрёва няби Ямал' илам' савумдамбава, нэцекы вадабава няби тохоламбава – манзаянда ненадумда"ма".

Яна" серо минрена ненадовна ява" лэтрамбади" няби мядото' тер" нядабаван' нямна лаханась. Сайнорма яхад хаяя илени, маянд' еремы ханзер" округна" нядабавам' хэтась. Таддикахад тохолкова", себар" илам', илебей ненэция", тиртя нэно" нямдолава' ё мимбава", таңга ханяри тиртя нэнохона хэсь пирма', нюдяко" хардахан" сава связь няби интернет' нэдиам', нэка нэсавэй мяд' тер' нядабаван', хэлям' пэрти" серо тасла тараван' нямна намдаваць.

Дмитрий Андреевич ты пэрти" мяк" тэворцеты. Теда' тикы" нида хардан', мядоманзы хамыдась. Ма"лэвы" поңгана Панаевск' выңгад нэда" Пырирко' мяд' тер" мэць. Пэ" няд Вэненго' еркарм' мэта" товыць. Пуировской районхад – Пяк' мяд' тер". Тасу' яхад Вануйто" товыць. Сиддо' тарця ненадо ялян' хамадо' ёльце сава. Пыдо' хавнандо' ява" лэтрамбада" няби ява" ерамбавы", нэка нэсавэй" мяд' тер", тандая' мяд' тер" нэ хэвы", нэцекы тохоламбада", лекар", нум' ед' манзарана", юне тэволана" мэць.

(Пелямда 2, 3 стр. толара")

Анна Яптик' падвы

Едэй манзаям' пяңгуху'

Ямалхадна" тодо" тэнзм' мэта" ненэция" ява" лэтрамби". Тасу" я' тер' ненэй не Любовь Салиндер сайнормахад то"махаданда «Герои Ямала» нубета программан' падрода нэдаравы.

Любовь Салиндер ява" лэтрамбуванзы нэрм' тер" не-

хэт нюртейңэ хэвысь. Таняна «связист"нэ таравысь. Тарця тоненана серм' пирдале"махаданда яханда тэвавы". Нянда ненадумда"мам' ми"мыць. Проектхана хасава мяңганда, Вадим Салиндер' ня мэңгуху'. Пыда нод" нани' ява" лэтраванзы хан"мысь. Ядембада яхана нита нэвахана мэнаңэ таравысь.

Херсон', Бахмут', Кременной' няюна сайнормысь. Манзаямда сававна минревандан е"эмня ненадумда"мам' ня"амвысь.

Нэбгэхэв серкана вадидо' минта", сыхаңгарт' пуны' ниня нэда"ненэция" Россияна", Ямална" тиргэвна нэка". Кадровой программан' си"ив юр" пир" ява" лэтрамбаваы" падродо' нэдаравы".

Яна" нэвахы" серо минренаңэ, хуркари" нермбэртяңэ манзара пиртадо'.

Пыхыдадо' тарем' падван' харвана" «Герои Ямала» сайтан' падродо' ты" саполана иры' 31 яля' нэсонд' нэдарабто' тара.

Руфина Окоэтто' падвы

Илма' мэйры



(Нерняны пеляда 1 стр. џа)

Теда' ервана" хэтвы вади нянда" вадетын. Тюку мэ"мы вадахана" да округна" тер" илаңгана саць тарана" џаво" нямна лаханась. Хусувэй яханана" илена ненэцяңгана Ямалва" мята џэбта тара. Ѓадьбятаяна" џэвахана мэна нерняри" џа, илма" савумдамба варемда мэ"џа.

ЃЭРМ' ТЕР НЯДАБАВА

Дмитрий Артюхов ты пэрти", халям хадабади" ед' ненадо вадам мэ"џась. Вадавнанда тарця тое-нана серо минрени" сяхаринда тасла я"манадо' џока. Пудана"

похо"на мюсерти" е"эмня хуркари" нядаңгосэй" џадимям' хэтась. Халядана" е"эмня џэда" няд"ма" џобтики џадимбато' сава" нэңгуць. Ёрти" манзаям' нензел"џэ нидась вадес".

Депутатха", серо тасламбада департамент" ервха" табекурџась. Та' ямбан' халядани лахана-ко нята", нядандо' хонаркода". Предприятия" няби община" тасла я"манидо' џани' вадетыдо'. Ямал' терхат намдавы", ма"лавы" и' ядэрабцодо' џопой падарт"

падаңгудо'. Тасалко"мито' пуд џамгэхэв едэй нядаңгосэй џадимдемба пяңгу".

ЯВА" ЛЭТРАМБАДИ НЯДАБАВА



Сидяңг": Округна" пресс-служба: няд ханавы"

Округна" џэвахана мэна ява" лэтрамбадина" серо" ханзер" мима' нямна џоб" тенева. Ѓамгэри џамгэхэна сиддо' няда тарабта таминдо' нядаңгу". Сямянхат таяна тарана" – беспилотник". Сидя по' ямбан' нянд' ёнар" пир" дронм' џэдаравы". Тарця џаво Я' малхана џани' сертаба пяйдонзь. Тагы я' няна таромдо' мале ховыдонзь. Нядаңгоди џули" саву"ядась. Ма"нисяв, џэдарамбададо' џока, ненадовна машина", тамна џани" тарана" џамгэ".

Ява" лэтрамбади" ед' мат" ю" нядаңгосэйм' џадимдемби". Хусувэхэт тикыдо' џокамдана", несэймдана". Таџы марад" помна џэдалёрмита мальџ-гана лекарабтаңго мэта сертификатандо' еся џокамдась. Хасава пухуцянда ня' лекар" мят' хэбта, сидяңэ нянди' няхар" юр" ёнар" есям' мита".

Тамна' тяха' нядаңгода марць-хэхэнда Ирина Новосёлован' табекурџась. Ма"нисяв, мякандо' товы" ява" лэтрамбавы" ненэцие" е"эмня яңга программам' џадим-деин.

НЮСАВЭЙ НЕНЭЦИЕ НЯДАБАВА

Ямалхана хусувэй по' џока џацекы сояңга. Россияна" тиң-гывна маня" округва" няхаромдэй яхана мэ.

Ненадовна тандая' ню хованда мяд' тер" сенз џэва' нямна няркна". Тандая' џобт' илелмы" няхаром-дэй по' лекарабтаңгова' падарм' ня"марпи". Тикым' няд"мяць ненэця" таняна" хабцяңодо' хомби", савумдамби".

Ѓокханда нюм' ховы" нехэ" няхар" ю" тет ёнар" «Мальшы Ямала» лабтэйм' ми"мы". Тарця мядонзэйм' мале ня"марпавэхэ" няхар" ю" си"ив ёнар" есям' тер-та электронной сертификатм' мипи".

(Пеляда 3 стр. џа)

Анна Яптик' падвы

Иландо' тэхэт пере

Яля' падаркана нара това' сер' ты пэрты" теневасеты": иландо' нумгад пере. Нена-довна саць ибахад, сарёхот, тикы' пуд товы тецьдахад то-сасеты". Я' нийм' салабаңэ тондабата, вынхалаңгана" ты", выдараңгана" сую" танясеты". Ѓадьбятаяханато' иландо' серо ня"амбада" ерв" џани' хамэдэсеты". Выңгад нюртей" вэва" юне намдабато', минхандо' пирувнандо' нядаңго пясеты".

Тюку по' пили" нюрте"э' сэр-дахад хавы" ты" нямна «Ярса-линской» совхоз' ты пэртыхат намдаваць. Вы' хасев" вадавна яв' салаба' тяха' мюсевандо' пуд няхар" ю" тэдо' сулмвйд". Малэ сян яля' хэ"мяхад Сёяха' няд вада" то". Таняна џани' иба, сарё нум' пуд мюсерти" мякана тыдо' хавы", ненадовна суюри" џэвы". Районандо' џэвахана мэна" сиддо' таминдо' нядаба пявы". Мядо"мана џэдалёрмы".

Комбикормдамдо' мипа пявы".

Округна" ты" лекар", АПК де-партамент' манзарана", учёной" џобтики вынд' џэдалавыдаць. Ненадовна лекар" хавы" ты" џамзи манэсармы", сяңок ты вын халавам' падыбавы". Учёной" сыра' ёрадм', ты" хад' хурка џэвам' тасламбавы". АПК' тер" ханзер" комбикормха"на ты-до' џавламбавам' ваде"мы". Табекосавэй" падро ненэцяңг" мипавы".

Тиртя џанодо' нерде' Яптик-Сале' няна, Герман Окотэтто' џэсын' џамдормы. Ты пэрты" вадавна яра ирыхына џэвы" сарё" пуд юр' мян' тэдо' сэрдалавы", џокамбой пелядо' – сую". Салабаңэ хэвы сыра ханяңы яхана џопой сантиметр' пир", ты' тобахана сабканана ни џа". Евгений Сэрпиво' џэсыхына си"ив ю" пир" тэдо' сэрдалавыд". Хадото' ний салаба тамна няџсаркавы. Мядодо' тандая' едэй ян' џэсовы", џадьбят' лекар" выдаравы" тыто' ха"ма нивыдо' манэс".

Лекар" хардан' тэв"-махадандо' ненэцяңг" юнм' џэдаравы". Вадавнандо', џобкарт ты' џамзахана вэва' хабцяңо нивы" ху", мал' сэрдахад сулмавы" џэвы".

Нарада ямб, ты пэрты" сэрадм' пирдалемба



Сидяңг": t.me/dark_yanao няд ханавы"

ялриндо' ни" хаёд". Маянд' еремы" нидо' хардат' ерв" тамна нядабаңгудо".

Галина Окотэтто' падвы

Илма" мэйры

(Нерняңы пеляда
1, 2 стр.ҕа)

НЮСАВЭЙ НЕНЭЦИЕ НЯДАБАВА

Едэйвана ҕадиманда нядаңгосэйм' хэтась. Губкинский харад' тер нехэд сава иңудм' нам-даваць. Ма"нисяв, ҕацекеым' хованда" нехэ" ҕобтики ҕамгэрихи"на панта лабтэйм' мипа серо"ҕа. Ханяңы" не" нюдо' таславы ялэто' нерня" хомбидо'. Хибяхав лекар" мякана мэ"манда ембдьяртамда тэмда ни" тэваңгу". Хамэдэда ҕаво ня"мабата ихинанда таңгаңгу. «Ямальской маме» проектм' тюку поход пясь тасламбидо'.

Лимбья' иры' нюртей яляхад «Молодая семья» программам' несэймдаць. Няхар" ю" пондо' нерцю" ҕацекеы соявы" мяд' тер" няхар" миллион есям' ня"марпи". Минрена серто' «Жилищный капитал молодой семьи» нюбе"ҕа. Нюртейҕэ няд"мам' Салехард' терха: Анастасия Вэненго няби Павел Хороля ня"амвэхэ'. Сидя яхас нюхуюти' соява' ед' мат' миллион есям' ховэхэ'. Есяха"нати' мятамди' тэмда тасламбихи'.

ЛЕКАРАБТАҢГОВА' НЯМНА

ҕани' ҕопой сямьхат тарана – ненэцие" сенз ҕэва. Небой по' округханана" хасава ю" едэй лекар" мядм' мивы". Теда' ҕод' ҕарка" ненэцие", ҕацекеы" е"эмня Тарко-Салыхана, Коротчаево, Хальмер" Седе"э, Шурышкары хардахана, ҕыд' няна лекар" мядо мимби". Салехардхана мер' нядаңгоди" лекар" мядм' нэңгу".

Дмитрий Артюхов лекараха" табекусь. Ненэцие" ҕамгэ' то"олха хабцяңгана хаңгуртам' мер' тасламбамдо'. Хаңгурта" няхар" манзарава' яля' пиркана МРТ, КТ, УЗИ мал' серта пирпато' тара".



Сидяңг": Округна" пресс-служба: няд ханава"

**РАССЕЛЕНИЕ
АВАРИЙНОГО ЖИЛЬЯ**

к концу 2025 года:

1 млн м²

более **30** тысяч семей

+ **1** млн м² к концу 2030 года

**ДЕТСКИЙ
ОТДЫХ**

ЗА 2024 ГОД
ОТДОХНУЛИ:

10 тысяч ямальцев

2 тысячи детей из ДНР и Белгородской области

АРТ-КЛАСТЕР ТАВРИДА

ЯМАЛИЯ

Ямална" ҕэвахана мэна ервана" табеку нэдаңгуна". Яна" тер" ил' манзаина" ханзер" минревахадана" пере.

Законодательной Собрания' депутат Эдуард Яунгад ҕани' инда ядэрабцо ваде"ҕась:

– Ямална" ҕэвахана мэна яна" серо ханзер" мимам' хэтась. Тикахад няданда тамна' тяха' хурка сехэрым' пывава" намдаваць. Ғэрм' тер" ила' нямна ҕани' вадам' мэ"ҕась. Ты пэрти" мяк" етри' тэворцеты. Мюсерти" ила' тоенавам' сававна хамедамбида.

Пырирко', Вэненго', Вануйто' мяк" тэворманда пуд таславэва", ялян' ҕадимдевэва" ҕока. Теда' халядани" ед' манзараңгува", тасла я"манидо' тидхалембаңгува". Яңга ненадумдавэми – «Ямальской маме» мядонзэй. Выңгад тиртҕа ҕанохона лакри' товы ҕацекеым' сояванда нехэна саць сава няд"ма нэңгу.

Округна" ерв' ваде"мы, ҕанихи"на ваде"манда янамбоковна ҕоб" падыбаңгуна", газетаханана" тола пиртыда".

Анна Яптик' пады



Тамна ҕани' таславанда – ҕацекеы" сэв" мер' воворма. Ғахакуд сэвдо' савумдамба пяб" сиддо' няда пирты". Сэв" хабцяңо савумдамбада" лекар" манзара яха"нато' сямьн ҕамгэдо' таниябта серо"ҕа.

ТОХОЛКОВА' НЯМНА

Небой по' мат" едэй школам' нэвы", хасава юдм' сулормы". Ноябрьскхана нюртей кванториум по' ямбан' манзара. Танияна ҕацекеы хуркари" мутратна ҕаво мэць тоходана".

Паюте"э хардахана нюдяко" ҕацекеы" мэлавам' нэвы". Ханымей, Пэ Саля, Самбург

хардахана ҕобтики мимби". Губкинскийхана едэй школам' нэңгу". Новой Уренгойхана колледжхана тохолкоди" илесь мядм' няби кванториумам' миңгу". Ғэдяңгана ҕэда интернатм' нэваридо' хаи. Тикы' хавна тамна юкад вата няхар" школам' сулорга".

Математикам' тэравы" ҕацекеы" е"эмня яңга тохолкова' программам' сертавыць.

«Учитель года Ямала» пирдырмахана ва"лэйҕэ хэвэхэ" самляңг юр" ёнар" еся няд"мам' мипа пяңгу".

ВАДИДА НЭДАҢГУ"

Ямална" ҕудандана вадамда ёльце"мя' пуд юне тэволанаңэ ервхат хонаркуваць. Округна" Законодательной Собрания' ҕэвахана мэна Сергей Ямкин тарем' мась:

– Яна" ерв хэтвэхэ" ёльце сававна инзеледамзэ. Ваде"мыда тид" яля' няю', округна" тер" илам' савумдамбава' няю', ява" мэбеламабава' няю' ҕа". Вадита сер' яна" тер" е"эмня манзараңгува". Ғадимдеванда" ватона" ҕобтики ваде"мы падаркаданда переңгу". Тад нерняңы" ялэна" пуномдэйна".

ОБЪЯВЛЕНИЕ

СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ **8(902)81-6-11-90**

ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА

6 200 000 Р

ЕДИНОВРЕМЕННАЯ ВЫПЛАТА

3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Привыканием с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р единовременно от региона

400 000 Р министерство обороны

до 120 000 Р сертификат на реабилитацию

заключение военного социального контракта

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т. Р.

СЕРЖАНТ ОТ 232 Т. Р.

ПРАПОРЩИК ОТ 292 Т. Р.

Пэ" тер" тёр" я" авлыць

Мале тетимдей по' Салехард' ядхана сывандана" Пэ" тер" сянаковам' мэцеты". Ѓарка пирдырма' ялэ" нерня мэ"манда" тыдо' хорпасеты", вэва" нэб"нандо' гадасетыдо', тарем' тэравыдо' пирдырманзэ ханасеты". Тандая' нина" нани' ядабтэйнаць. Александр Тайбери' мякана ма"лываць. Ненэця" мале һахакуд тодо" нэсыхыт товыць.

Пэ" тер" поґгана тикы сянаковахана пудана вадамда юнета нядо' Леонид Ильич Лаптандер мэцетыда. Тюку по' мале таславы яляхана нани' хонравэдонзэ. Хардахад тованда" нида мале ґатевыдасэ. Тадґо" «Ямал-нюна" я!» Ассоциация' нудандана Эдуард Хабэчевич Яунгад таяна мале сававна теневаана нядо'. По' сидя вэкана няхата тэворцеты. Леонид Ильич ма"нисяв:

–Мале тев' ёльцяґгана нина" ґатейна", маня" теневава", тадри' Салехардахана пирдырмана" нерня нобт' ма"лэдава". Тикы' нерцюна хар"на" нобт' тэворцетыва", теда' ханяцей' нюрцямґэ хая, һока хибя" турґа", юнва" ханярина со, тюку яля' нани' сянакурць пэґгува".

Нумда талмасэ, ёмзяли' ха"морґасэ. Мякана сидямбой ґавка мяевысь. Пунахав' нэсыхындо' ненэця" то"махад ты" туро", вэн" мад" нопой тёрґэ хаяць. Няваталаґо мэ"манда" хабто яркыба хасава" мар" хоба" тынзяґганато' нэдаранадо' яґгусэ. Тюку по' хэд" иґумна сертавэдонзэ, һока тыдо' харто' яхана хаевыдонзэ. Юр' мян' хабтрихид ярколаць. Мядондито' поґгана тамна тэняґы Ненэцие" округхад товыць. Анатолий пудана си"ив по' ямбан' ненэй ненэцие" округхана миосерґа. Таяна малкодаґэ тара. Хусувэй ныланавахананда соя"ма' яханда турґа. Тюку по' нод" тикы ватом' нидасэ нэдара".

Мядоманда хавна пирдырмахана мэсь. Нерня' нибата ха"ам", нянанда инда ватосэ.



Ѓоб"лад"мана нэдалёрґаць. Сюрхалаґгана", маханы', сятаны' хэвы" таянь. Тикы" нидо' нани' яґорэй' нэдалаґгасеты". Няваталаґо пявандо' мальґгана Александр Тайбери' пирувна нэдалёрць пирмы яґговысь. Алексей Тысия нод" хаеревыць.

несэйвана подеромбидонзэ. Нани" ты" лэґ' нэвы", ханяґы" нерняри' са"ґа", наниндо' нензаминдидо' выдаґгавы". Тарем' Салехардахана мэ"манда тэдамдо' тасламбиць.

Леонид Ильич Лаптандер депутатна" нэвахана мэнам' Сергей Миронович Ямкинм' мядо"манзэ ха"мысь. Тамбир" ерв нобтики терси" нивысь ту". Харта ватовнанда ноб" мэкад пирдырмам' сертасэ. Мал' нобкана нито' ирмня нобкана нэдалэйдаць. Нерденаґэ товэн' Сергей Миронович харта манданда нуда' терм' ми"мандасэ. Нита нерня илебей ненэця' Роман Тайбери' нэдимясь. Пыда ю" ёнарм' е"эйґасэ.

Мале тидаркаґэ хэ"мяхаданда хасава" ярколаць. Ѓока яґорэй' тюрм' яркавы" мядонзэйдамдо' ня"маць. Ти, тарем' Пэ" тер" поґгана ноб" ялява" мэ"ґаваць.



Нямда тэваван' харвавы Дмитрий Тайбери Алексей' пуд нэдимясь.

Нехэт вал'лэй Екатерина Тайбери нэвысь. Хибяхарт сита тэва я"масэ. Няданда Наталья Тысия хаисэ. Тикы нява" хусувэй по' пирдырцеты. Нэдалаванда мальґгана сырмы" хасава" мамондоць: «Натальяхав, хасавахат мерема' сер' ґа». Тарця нэвысь. Няхаромдэйґэ Нина Лаптэй тэвыць. Мэевна хананда ни' нэмад"махаданда тэри хибяри тэва я"маґгудасэ.

Пирдырмито' мальґгана помнандо' мэта" тыдо' таминдо' тасламбидонзэ. Пуна' тарабата ханото' ты



Марина Яр' падвы



Ханярина толабидо'

Тандая' Салехард' хэвхана нэда мяк' тэворуваць. «Минлей» нэсы' нямна ядэрүваць. Таняна ненэй вадавна «Конёк-Горбунок» нюбета книгама' толабиваць. Ма"лэвы" поңгана колледжхана тохолкода", нэрм' тер серо тасламбада департамент' тер", юне тэволана", тамна нани' ханярина манзарана" мэць.

«Минлей» нэсым' ня"амбада Галина Ачембоевна Матарас мядондида мал' толь' тяха' нэбтэйдась. Пуна ма"лэвэңэ няна" инда ядэрабцом' хэтась, тарем' мась:

–Маня" хар"на" вадавнана" нэда книгава" мале нэока. Ня-нани ханяны" толабаб", нули" тоенаркана то"олха" нэсеты". Пётр Ершов' падвы лаханакон' ненэця' вадан' Светлана Ивановна Тусида тидхаледась, «Маха тунд юноңэ» нюмдедась. Пыда таңга хамэдава' пирувна падвэ-дась, тэри хайна. Тарця тарана нэамгэм' ханярина нэцеке", нэрмы ненэця" мэнеңудо'. Манзаямда тид" пирдалеванда няю' П.П. Ершов' нюмам' мэта премиям' ня"мась. Ненадумда"мам' 2005 похона Россияна" паднани" Союз няби Тюменской область' няна нэда Ишим харад' ерв" нэдимдевыдонзь.

Вадамда мэ"махаданда ху-сுவэхэна" книгадва" тась. Хи-бяна" ханяны вэди толавам' нэбнзер" таславаць. Пуна нэб" пуд толаңго пэйнаць. Лахана-конда сер' вабцана" яңгаворүнаць, хуркариңэ хан"наць. Ханяны"

луца вадавна нэдамда ва-де"наць, вадамдо' саваркавна тенева" ненэця' вадавна толаңгуць.

Ненэй мяд' мюня ханя' савась. Нэпоп' мяд' тердарев' нэамдываць. Няна" инзеле-вы няби сырмы танявы нэб" мандась: «Тарси" пир"надо', нэбнзгэв' тарем' лаханакон' вэдець пэртакы"». Неноховавна маня" нюртей нэбт' тэв"маваць. Нена-до ялям' мэ"наваць. Луци" юнета



Сидяңг: А. Яптик' талтавы"

паднана Петр Ершов' соя"махад туюку по' 210 поңэ хаясь. Тикахад «Конёк-Горбунок» 190 поданда хэвысь. Сидя ненэдо серк' сидна" ма"лаванди' хавна мал' толаңговам' харвабтана не-нэцямаць.

Лаханакон' хуркари тэнз вадавна пады. Малэ сян по' тяхана хаби" вадавна нэдимась. Теда' ненэй вадан' тэврадо'. Таддикахад спектакльм', видеом' сертаван' харвабцодо' нэдимась.

Вырэй ныхыдырта

Хэвы ныланава' яляхана Яр-Саля' тер" нина" пирдырта" сёбар" нэцекехэ" сырмыць. Хардаханандо' яля' ямбан' 12-17 пота" помна нэда ныхыдырма нэвысь. Сямянхат мэбетидо' тасламбавыць.

Нэокаханда хасава юр" самляңг ныхыдырта" ма"лэвы". Хахаяда

хардахад Панаевск' нэд сянакода" нэни' товыць. Мяк" тонахато' сабе маймбавыць.

Хусувэйдо' харта саңгомнда пирм' тэрабавы. Пирдырти" поңгана хасава нэцеке", не нэцеке" мэвыць. Нули" сиби-цякото' саңгом' тет ю" нэвы. Няби" 50, 60, 70, 80 килограмм'

пирт' тэвормы". Саңгомгандо' тасламбахая сиддо' тодо" яха" тэрапавы".

Нэцекехэто' сырманзь товы" ненэця" сёдо' хацявыць ныкал". Нюдо' нерня' пэраць нэока тэрм' ха-евыць. Роман Лаптандер' небяха-нисяха' хубтахана нэахакуд сёбар" ма"лэва' ян' хэвэхэнзэ, пэвсюма' нэсонд' таняна мэвэхэнзэ. Небяда няни тарця вэди мэ"нась:

–Хасава нюни' хамеко"мада яңгусь, сяхаңгарт' ныхыдырць мэта пям' нидась ня"амбю". Пирдырма' нерцюй ялярихина нисяда табедамбидась. Таремгав' ныхыда нэока нэвы, 12-13 пота", саңговодо' 60 килограмм' пирт' тэворта" поңгана нябимдей ян' ха"мыць. Нюртей мэва тарем' сянаку, таминда мэбе"мамда манэ"лабтада. Няби" нида мал' торомбэй", я"авларкана" сёбар". Нэдыбэнта ихинани тетимдей ян' ха"мувандаңэ пэрүнаваць. Пунахав няюнда нятна" нули" нэокамаць, мал' сита тэрдембиць. Понхав' ня"амбидась, нюртей

нэсонд' нэдо" ниць тэв". Харквата сабе маймбадараха нись нэа". Манэцяен вэ"лэйңэ пыхыдами пэрта то"олхавась, нэдини тамна ледреркаць, тэренанахани сёми хацясь ныклу". Ёльце сырап" савась, ялями танярина мэ"наваць. Теда' нэюяко" нида нянда сы-раць ныхыдырмарин' мяканандо' харва".

Роман сибимдей классахана тохолку. Тад тованда Ты пэрти" сянакова' ёльцяңгана нэни' пирдырманзь тасламбида. Тикахад ихинанда нэрм' тер" сянакубц пэван' харва.

Тохолкоди" е"эмня тарця пирдырмам' нэдимдембавам' ненэця" саву"надо'. Вадавнандо' нэцекехэ"на нюрцям', нэда' тер ня"ам"махадандо' тамна ханяцей" сахаворүна". Сиддо' тидхалембадидо' тохолам-бадахато' нэбтики сырүна". Ху-сувэйдо' вэ"лэй ныхыдыртам', Россия' тиңгывна округна" ед' сянакодам' хамэдаван' харва.



Сидяңг: А. Лаптандер' талтавы"



Кадпюдкана хомана нып-такуш". Выңкна дидина" неша" дяляң дямпхана поңкнатуң мяналяш". Кадпюдкана ты" падильта" нешади" дялям' мэ-наш". Няматадакудма дяля – нешаңкна пиди хома дяля. Цокна ныптакошту", нетуң кошту", тоходкота" нитуң шол-дмахататуң манэшту".

Кадпюд чел" ты" падильтчи" дялям мэмантуң камна калгантуң ычима дялям мэнаш". Нешади" дидишат калват кашем'дюл шича пота кадя. Кадпюд 1933 похона ычимы, недьчезей няна нюча факториуди наймай. Таңок пу" дямпан нешади" калват шанат нуту" коңаш. Четаң Кадпюд кулкади" һамыта", нешаң дилант талана", тадя". Чики калтуувдехена хома шоньша-хана нетуң няш шанат тэмс неша" диле". Няматадакудма дяляхана Кадпюд чел" чупей цокна ныптакуш". Недьчезей празниктуң найпеш тын кан-хана хайнолды мэштомы" шед нютдемы кану" ычимчеңа". Понантоң хайнодуми дельшкана жука неша" – ненэй неша", капи" Кадпюдкат хайнодыш кадяш". Чукахэна кадюмайтоң һай дя-ди" таха"на манслаштомай",



Кадпюдкана мяналяш"

хайнолта" нетуң нятапешь. Талям четаң Кадпюд чел" таньдэльшкый шеду" ништутуң дюл.

Неша" мянадыш дюднуң няңат манде чепьнаш". Чуки похона няматадакудмантуң мэт няхалдют цок ты" кан" һанатамэт. Цайталё матапёмытуң шехелайтуң кун' - шича километраң дельш. Мяналта" неша" шанат час' тың канха-на няматадакудыш". Старт-хат мансхалдыш цайталётаа" подюдитуң кышту". Куптахалт ниш'мы шехелаймтоң маташту-тоньш. Касами" няматадакудыш хитамахат, ни" чепьнаш". Пы-тоң цупчики мин-наш цайталёнаш". Выңкна дидина" неша" цайталёмам хомана чедимяңа", талям тың

канхана няматадакоптоң, дельше миннаш кышту".

Чуки похона цопумана цайталё мяналта" касами" поңкна цай-вахай каным' цай Станислав Айваседо канаңата. Ни" поңкна нята" недьня Анжела Айваседо тоңа. Пы'та цайвахай местам' канаңата. Цопумана цайталё хитамахатотоң касамаа" Дятпы" тодяй няң цомаш". Тоң ними дя-тан канутуң нудтайтуң. Таньнат цуп дильшуң мансхалды". Хылат помна подюдитуң минды". Цокна мансхалдыш цайталё мяналды" нешади" поңкна нята" недьня Леонид Пяк финишан тоңа. Пы'та цайвахай местам' канаңата. Чики няхатата шанли секундам-на Борис Агичев хатхалды, пы'та нимимты местан ка'амдыш. Няхамты местам' Сергей Айва-



Таттама": А. Пяк таттамы"

седо канаңата. Цайталёмантуң камна мяналта" нэхэмтуң, нюк цаймямтуң конулпё вядкулодыш, нэхэлумпешь мяналяш". Ненэй паным, пемам мэш таньше мяналды неньшал ниңа, чикехана цотнаң шана'кота" нюкманна мяналяш". Вядкулодыш цайвахай местам' Евгений Пяк канаңата, нэхэлумпешь Леонид Пяк нэхэля,

пы'та цайвахай местан каам-дыш. Ни" цупчики хятмайтуң паньдөтуң ычимчимпеш мя-наляш". Кулкади" мэкат, ма-тамэй пань", пема тадынаш". Няматадакудма дяляхана Кад-пюд чел" дяконтуң лаңкан ненэй мяту" меңаш". Празникхана ныптакота" мячимантуң мэт таньняң чуштуш". Мячидёлта" цукаш, выңкат мэна" нешади" камна наңича калтыхит" тота" тадымэнаш".

Чуки похона дety конкурс', мят дет цайта шедтаңаш". Мят падильта" неңи" таньдет хомана цанатамэт. Мятутуң таамна писанатуң ниня кулкади" һамал" тадынаш". Чики конкурсхана мянадыш чет' мя" тотуң номина-цихина нэхэля". Мянцита" пиди цамсадыта цамду" пидимыңэ – «Самая вкусная кухня» С/Х община Пуровская мят тонлаңа". Пиди цука мячинтам мякта чундимы «Самый гостеприим-ный цум» Кадпюдкый школа-интернат мя. Пиди дюпа, хома мятцэ - «Самый уютный цум» нюча" цашки" падильта «Ро-синка» садик мят тонлаңа". Выңкый диле мэта ненэй мят шед шедтамыңэ «Самый тра-диционный цум» Кадпюдкана цайта ДК «Снежный» мя' ка-амдыш. Ты" падильтчи" дялян томээ" празниктоң хомана мэңатоньш. Чики дяляхана куль-турахана, спортхана мансланна" шанат вильта" мероприятия" шедтаңаш". Нешади" хынилмаң, дюньшидемаң мэты" ДК «Снеж-ный» клубхат мэна", нешади" дет тондюта центрхана мансланна" концерт' ычимчеңаш": кынсу" мэнаш", талаңаш". Чикиң камна цашкиуди" шана'комаң мэты шанат конкурс" шедтаңаш". Цашкиуде" хомана майпиш". Кулкади" шана'кохона" ша-на'куш", поңкнатуң мяналяш". Празниктуң хитамахат, тың кан-хана цайталё цайвахай местам' канами", шана'ко мянадыш нэхэлды" тотуң мячисы" ня-амнаш". Чикиң камна цыди калтыхина мянадыш нэхэлды" цупчики благодарственный' патлу" нямна". Няматадакудма дяля" Пуровский' районхана тамна минтца", чуки дидихина Кадясамэхэна, Ханьмейхана, Самбулкахана цупчики ты" паделдыш мансланни" дялям мэтца".

Андрей Пяк
патмы





Ханярина-танярина няхар" некас" илевы". Небямдо' мядотиеня". Нюдядо' Са"лакомда нубе"жа. Яля' ямбан' ту' хэвхана пиваси" дамдесеты. Ялэда тун' сыраць мадабасетыда. Нарка некахаюда ханесетыхы'. Са"лако нэбта нод" хамедасетыда, некахаюда ханеванзь хэ"мяхад небыда ханяхав' хэсеты. Нюхуюта това' нерцюбт' дамимзеты.

Ѓубаңгуна небыда хэванда нерня ма:

- Мань пэдаран' сэбадами ма"лаванзь хаядм'.

Са"лакор мякна дамдэ ида ядэлы":

- Ѓамгэ небыми яля' ямбан' яңгосетадакы? Ханя' ханпатав?

Небянда пумна хэсь таслада. Небыда нод" тарпы", Са"лакор нэта ни' санэй". Сырпата небыда мале пэдара" помна сэя. Са"лакор ниванда хаёванда е"эмня нули" сюрбы". Нэракутада сал' тяхана сэя. Са"лакор сававна салм' хамбилембида. Лакри' салан' теба, тиканда нылна сюдбя сехэры я' ныл' миңа. Сехэрым' нэракуць я' нылмна яда. Сырпата ноб" мя". Са"лакор ея' пан' нылмна сырпата, Сюдбя вэсакор небымда севолпи. Вэсако"я манзь ханада:

- Няхар" хасава нюр хадабт серо"жа!

- Ханзер" хада пиртын? – Са"лаканд небы ма.

Сюдбя Вэсако ма:

- Пибидо' тырабтамбавандо' ёльцяңгана пибито' нуво" понд' халыдар мы". Халы" серто' теневато'.

Тарця" вади намд"махаданда Са"лакор мяканда сюрбы". Нодь" тунда хэван' дамды", небыда тикавна дамимя. Паромбари" хасава нюта пиби" мю' нуво мэ. Са"лакор тэри маннеда. Небянда пин' хэхэва, Са"лакор пиби" нуво ха"аврэйда, несэй сыңа"жа. Тунда хэван' дамгэхэртм' нивы пэрмэдадарев' тэкалть". Хубтахана пухуця нюхуюта пиби миңа. Хасава нюхуюда' ханеванзь хаяха'. Небыдо' нюта пумна тэри сыраць хаи. Нодь" сэйхава пухуцяр пэдара' няюв' сюрбы". Са"лакор тейнда тотрев' небында пумна сюрбы". Нобтики сер' Сюдбя вэсаконд ея' пан' нылмна сырња. Пухуця манма:

- Халы пибито' нуво" понд' мэдамзь, дамгэхэртадо' ханзеркарт нись хань"!

Сюдбя Вэсакор ма:

- Теда' пэңандо' ныл' халыдо' сюрбид"!

Тарця" вади намдхава Са"лакор пырдарив' сюрбы". Я' ныл' нэда сехэры' нэңэ тарана салм' мэввна пакал"жада. Небыда пили" Сюдбя Вэсакохонанда хаи. Харта мяканда то. Тунда хэван' дамды". Ѓамгэ' пиркана некахаюда тоңаха'. Маңаха':

- Небар ханяна мэ? Хабтёвы ту' хэвхана дамдэ нин' ханив"!

Са"лакор мунм' ни соя". Пон' иленакы", нинякы", ямда тасладо'. Некахаюда Са"лакохонди' маңаха':

- Мани' ханеванзь хандани', пыдар мял неро якаконд мю' мярър". Са"лакор нобнэ ямдэй". Неро' якакохонда тэвы". Неры некахаюта ваданна мята Неро якаконда мю' мярыба пядя.

Са"лако

Няби нумда неро яха' тяханя' пал"жада. Нябимда няби няю'. Ѓамгэ маяңгана Са"лакор мята нэбтада. Ва"авмда мимба пя. Пэңада лехэбтасетыда, энд" ва"ав' тер минхандо' ханлэйдо'. Са"лако нензямя, ма:

- Си"ми са"лакоңэ пэрњаханё', ненэй са"лаха' пыди' нэрхаңаханё'. Ненэця' ханзер" неро яха' мю' ва"авамда лехэбта пиртада!

Яханда лаңган' дамды". Сырња, хабте"яда неро' яхамдо' сидя ян' мадабидо'. Тэхэта сыраць Са"лакор ханяцей' нензямя. Ма:

- Тюку ханзер" нэда сер"! Пыдхартадо' пибидо' дамгэ санибтембидо'? Ервото' пиби тырабтамбани, пыдо' сиддо' манзаяб"нани. Ѓамгэми хаёда?

Са"лакор санэй". Тыта пени мал' хабаръяда. Яля' няюв' тырабтэйда. Пэвсюмя' няна некахаюда тоңаха'. Нобт' вахалгыха':

- Няна" са"лананё', тэкоцид ханзер" мал' маядэяд?

Са"лакор нензямя, тэри ян' хая. Сянад хунад миндякы, харад" нимня дамимя. Вар' няңы

харад' мю' тю. Маңбада вэсакохо', пухуцяха' илевэхэ'. Са"лако ма:

- Ѓамгэ тарем' маңба иледи? Харданди' нылна тада ненэй", золотэй" терта лабтэй сюриню".

Вэсакохо', пухуцяха' нобт' санаяха'. Харданди' нылым' сабкаба пяңаха'. Ненэсяри' лабтэйм' хоңаха'. Вэсако лабтэй' тер" пелям' Са"лакон' миңада. Вэсакохо' тикан' хаихи'. Тарем' яднаханда, пареңода' харад" нимня дамимя. Са"лакор пареңодан' ма:

- Ирикэ, не нюр недни тадва"!

Пареңода ма:

- Не нюми таивась, пыдар маңгбинанё"!

- Ненэй тэта ненэцяңгавар мань ны" нидам', - Са"лакор манма.

- Тэта нэбцор хурка? – Пареңода ма.

Са"лакор лабтэйм' солаба тюле. Пареңода' хэвхана нявмда нэ. Тарцян' сыраць пареңода' сэвда лядды". Вэсако ма:

- Тарця тэта ненэцяңгав, ий нив жа".

Са"лакор' пареңода' не нюм' неданда мэда. Тарем' са"лако иландамда хо.

Та' малда.

М. Яр' падвы'



Вадава" тохоламбива"


Саванехэ', Едэйкохо' я' сяр' нина вадёдана"
 Һавэ" нямна лаханакурҕаха'. Няданди' Һани"
 едэй" вади намдахава".

Здравствуй, Едэйко!
Здравствуй, Саване!

Торова, Едэйко!
Торова, Саване!

**Какие деревья
 растут в лесу?**

**Хурка" пя"
 пэдарахана
 вадёдана"?**

**В лесу растут
 такие деревья:**

**Пэдарахана тарця"
 пя" вадёдана":**

берёза
 сосна
 кедр
 лиственница
 ель
 карликовая берёза
 ольха
 тальник
 осина
 черёмуха

хо
 е
 тыдэ'
 харв
 хады
 шоҕҥ
 паё
 неро
 нюрка
 Һаптета пя

**Какие ягоды растут
 в наших краях?**

**Хурка" Һодя"
 яханана"
 вадёдана"?**

**В наших краях растут
 такие ягоды:**

**Яханана" тарця"
 Һодя" вадёдана":**

брусника
 черника
 голубика
 морошка
 клюква
 княженика
 красная смородина
 чёрная смородина

енздей (емздей)
 ламдуй
 лынзермя
 мараҕа
 нярцо' Һодя
 лэ"мор' Һодя
 нярьяна хэбт
 паридена хэбт

**Теперь наши друзья
 будут знать названия
 северных деревьев
 и ягод.**

**Теда' нини" Һэрм'
 няҕы" пя", Һоди"
 нюбе теневаҕу".**



До свидания, Едэйко!
До свидания, Саване!

Лакамбой', Едэйко!
Лакамбой', Саване!

Варемда мэ"мы



Сидяҕҥ: Р. Окогэтто' тадҕавы"

Сидяҕҥ: А.Яптик' тадҕавы"

Салыҕгардахана нюдя" Һацеке тохо-
 ламбада" няхато' теневабцодо' ма-
 нэ"лабтамбавы". Поҕҕанандо' Һопой
 ненэй не – Дарья Саналиевна Вануйти
 мэвысь. Пыда падтаҕурта илебей не.
 Яна" тиҕгэвна юнда мале со. Сертавы"
 манзайда Һока манэцетына". Һэрм'
 ява", ненэцие" сидяҕҥ падтамби.

«Надежда» нюбета Һацеке тохоламбава'
 мякана тарця" пирдырми Һока по" ямбан'
 сертаби". Тенкана «Педагогическая
 копилка-2025» нюбета конкурсадо'
 Һэвысь. Тикахана няхар" нем' тэравы".
 Пыдо' манзаидо' саць сававна сертавыдо'.



Сидяҕҥ: А.Яптик' тадҕавы"

Няхаромдэйҕэ нита поҕҕад Дарья
 Вануйтим' тэравы". Ханзер" теневабцода
 Һадимдемба"мамда ваде"Һадась:

– Мань ихинани тикы ялями там-
 на пон' тенеҕув. Сейми нярканась.
 Нюртей тарем' тоенана манзарава-
 ми. Падтаҕовахавам' саць сававна
 теневав. Тикахавахана таҕҕасетыдм'.
 Тедахав' Һанисэй манзаям' теневавами
 Һадимдембидамзь. Һацеке" урокато'
 нерня туюкон' турцеты". Хуркари"
 Һамгэри падаркад, Һани" Һамгэхэт сер-
 таба, падтаҕо тохоламбина". Һобтикы
 Һацеке тохоламбидм'. Ты" саполана
 ирыҕ нюртей яляха"на конкурсава" Һась.
 Ирыҕ пеля' ямбан' хамекудамзь. Хусувэй
 сертавами, падвэми сававна манэсарья-
 нась. Ханяҕэхэ"на несэймдасетын. Тикы
 манзара"мами тароси' нись хань". Си"ми
 няхаромдэйҕэ тэраць. Ёльце маиваць.
 Ненандумда"ма' падартава", Һуди"на"
 терад ня"маваць. Тамна' тяха' варем
 мэтадм'. Туюк конкурсхана Һока тарана
 Һамгэм' намдадамзь, манэ"Һадамзь. Тад
 нерня' манзаями саваркавна теневаҕув.

Дарья Саналиевна' падтавада Һо-
 ка, Салыҕгардахана выставкаха"на
 манэ"лабтамбасетыдо'. Школахана
 тохолкованда малыҕгэхэд падтаҕу.
 Нюдя Һэванда малыҕгэхэд харвабтана
 серта иланда сехэрэҕэ тэравэда. Теда'
 харта Һацеке тохоламби. Теневана нява"
 етри' варемда мэ"ҕая, паской Һэрм' ява"
 сидяҕҕадарев' падтамбая.

**Руфина Окогэтто'
 падвы**

Газета
 «Няръяна Нгэрм»

Главный редактор
 Яр Марина
 Тэтакучевна

Генеральный директор
 АНО «Ямал-Медиа»
 Зулинова Мария Андреевна

№ 12 Подписано в печать 20.03.2025г.
 Вышла в свет 22.03.2025 г.
 По графику: 16.00, фактически: 16.00.

ПОДПИСНЫЕ ИНДЕКСЫ:
 на год – ПА701,
 на полугодие – ПР562.

Учредитель – департамент внутренней политики ЯНАО
 (629008, ЯНАО, г.Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО,
 г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере
 связи, информационных технологий и массовых коммуникаций по Тюменской
 области, ХМАО-Югре и ЯНАО от 19 апреля 2012 года.
 Регистрационный ПИ № ТУ72 – 00559

Тираж 3600 экз.
 Заказ № 0235 (тираж 3600 экз.) отпечатан в АНО «Ямал-Медиа»
 Юридический адрес: 629003, Ямало-Ненецкий автономный округ,
 г. Салехард, мкр. Богдана Кнуныяца, д.1, каб. 106

Фактический адрес: 629007, Ямало-Ненецкий автономный округ,
 г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
 г.Салехард, мкр. Богдана Кнуныяца,
 д1, каб. 106
 тел. (349 22) 4-53-32

E-mail: nn@yamal-media.ru